

# CHAPLE

Lou Counsèu coustitucionau rousigo la lèi de sauvo-gardo di lengo regionalo... (pajo 2)



# Prouvènço d'aro

Tóuti li mes, lou journau de la Prouvènço d'aro

Jun de 2021

n° 377

2,10 €

## O, pèr Prouvènço!

La listo "*Oui la Provence!*" es lou noum dóu rassemblamen di Regiounalisto que sara bèn presènt is eleicioun regiounalo en Prouvènço-Aup-Costo d'Azur, mena pèr Arvèi Guerrera.

La region es, d'en pertout en Éuropo, lou nivèu de l'acioun publico. En Franço, li poulitique centralisto, aliuença di realita, encalon pèr respondre i besoun de la vido vidanto coume i grand desfis planetàri. Pèr n'en acaba emé li coustrencho teinocratico, li decisioun impausado "d'en aut" autant carivèndo qu'ineficaoço, prepausan de sou-lucioun asatado i territòri e i realita d'aro coume is enjò de deman.

Militan tóuti pèr uno region mai autou-nomo autant bèn que pèr l'affirmacioun d'identita culturalo e istourico dins lou cadre d'uno Franço richo de sa diversita.

Nosto sensibleta es jamai vo gaire represen-tado, ni pèr li partit poulitique tradiciounau ni pèr li media, tóuti fourmata pèr un centra-lisme qu'escarto tout ço qu'es pas parisen.

*Oui, la Provence!* recampo de citouien engaja dins lou mouvamen associatiéu, lou sindicalisme, l'acioun poulitico e de militant regiounalito e ecolougisto.

### Faire fisànço à l'escaloun regiounau !

Desvouloupa, coume dins lis àutri demu-cracio éuropenco li coumpetènci regioun-alo ; pougi i territòri plus d'autounoumò e de respounsableta.

### Preserva, enfin, noste territòri !

Devèn demeni l'estensioun urbano e n'en fini emé l'artificialisacioun en grand di terro naturalo e agrico. Lou pastouralisme aupin, qu'es uno ativita d'équilibre, sara soustengu. Voulèn promòurre un novèu moudè de producioun e de counsu-macioun, founda sus lis ecounoumò d'energìo e lis energìo renouvelablo.

### Valourisa li producioun loucalo !

Sousteni li proudoutour loucau ; refounda la relacioun proudoutour/counsumaire bono-di li circuit de proussimeta ; remetre à l'ounour nosti sabé-faire populàri.

### Regula l'ecounoumò regiounalo !

Sousteni uno endustrìo noun pouluanto iscri-cho dins la transicioun energetico. Ranfourça l'arc latin e sis escàmbi emé lou mounde mieteran. Desvouloupa li cououperacioun internaciounalo.

## O pèr Prouvènço, segur!



### Defini nosto poulitico di trasport !

Fau acaba li grand proujèt inutile coume la LN-PCA (*Ligne Nouvelle ferroviaire*), sinounime de gourg financé (30 miliard d'èurò), de sacrifice de terro agrico e de zono naturalo e d'explousioun dóu pres dóu m2.

Lis estensioun dis aerouport de Marsiho e de Niço dèvon èstre abandonado.

### Promòurre nosto lengo regiounalo !

Dinamisa, rèndre vesiblo e acessiblo à tóuti, nosto lengo regiounalo, l'òcitan o lengo d'oc, dins tóuti si varieta dialeitalo: prouvençalo, nissarto e aupino; refusa l'unifourmisacioun dóu mounoulenguisme e favourisa lou dialogue interculturau. Inicia, en cououordinacioun emé li mouvamen de

proumoucioun de la lengo e counfourmamen à la lèi, uno vertadiero poulitico linguistico emé un budget especifique e un elegit delega. Sousteni l'ensignamen de la lengo dins lis escolo publico e associativo.

### Renouma la Region pèr un referendum

Faire de la cultura un pieloun d'aqueste *Mounde d'après*; foro-bandi aquesto PACA fadasso e aqueste SUD insituable, proupousa dins uno grando counsulito populàri de retrouba noste noum de PROVENCE! Un noum respetuous de nosto istòri, de nosto tradicioun d'acuei, d'aquesto man tengudo i novèus arribant.

### Respeta nosto planeto e sa bioudiversita

Sian respounsable de la Terro que leissaren

à nostis enfant. Metren en obro de poulitico ecolougico qu'asseguron lou mantèn de nosto bioudiversita eicepciounalo. Sa preservacioun coustituo un enjò maje pèr lou bèn-èstre de tóuti lis abitant. Viharen au mantèn dis ativita umano subre-tout artisanalo, agrico e pastouralo. Lou modèle dóu Pargue Naturau Regiounau que mesclo producioun de qualita, respèt de l'envirounemen e di cultura loucalo, sara amplifica.

\* Pèr signa la peticioun pèr lou noum de la Region :

sus Change.org: ni SUD, ni PACA, mais PROVENCE! Rendons enfin son nom à notre région!

**Tricìo Dupuy**  
sur la tiero di Bouco-dóu-Rose  
de *Oui, La Provence!*

## Anniversàri Dante Alighieri

700 an après sa desparti-do se pòu pas óubrida lou pouèto troubadouresc.

Pajo 7

## Li jo soutu-cousciènt

Li ome jogon soum role sus lou grand tiatre de la soucieta...

Pajo 3

## Lou jas de la Favouiano

Sa valourisacioun passo pèr la preservacioun de l'elevage di fedo...

Pajo 5